

KANTON SARAJEVO STRUČNA SLUŽBA ZA ZAJEDNIČKE POSLOVE

ulica Reisa Džemaludina Čauševića br. 1 71 000 Sarajevo

ID broj: 4200667410006

zastupana po načelniku Fikretu Jašareviću, (*u daljem tekstu Kupac*)

i

“GrafikaŠaran” d.o.o. Sarajevo,

ulica Srđana Aleksića, 71 000 Sarajevo,

ID broj: 4200400760008

koga zastupa direktor, Dejan Šaran (*u daljem tekstu Prodavac*)

zaključili su

UGOVOR

***o nabavci usluga pripreme, štampe i isporuke registra propisa 1996-2018. godine
Kanton Sarajevo***

Član 1.

Ovim ugovorom ugovorne strane utvrđuju prava i obaveze vezane za nabavku usluga pripreme, štampe i isporuke registra propisa 1996-2018. godine Kanton Sarajevo u skladu sa ponudom Prodavca broj: 05/19, za predmetnu nabavku putem direktnog sporazuma. Prodavac se obavezuje izvršiti prodaju i isporuku robe iz stava 1. ovog člana Kupcu, a Kupac platiti istu prema odredbama ovog ugovora, a u skladu sa cijenama koje su date u gore navedenoj ponudi, koja je sastavni dio ovog Ugovora.

Član 2.

Kupoprodaja robe iz ovog Ugovora obaviti će se po jediničnim cijenama i kvalitetu prihvaćene po predračunu broj: 01-03-19 od 05.03.2019.godine, u vrijednosti od:

Ukupna cijena bez PDV-a 2.625,00 KM

PDV 17 % 446,25 KM

Ukupna cijena sa PDV-om 3.071,25 KM

Slovima: (trihiljadeseдамdesetjedna 25/100 KM)

Član 3.

Priprema, štampa i isporuka navedene robe iz tačke 1. ovog Ugovora izvršiti će se nakon potpisivanja ugovora, a najdalje u roku od 7 dana od dana potpisivanja ugovora.

Član 4.

Kvalitativni i kvantitativni prijem proizvoda iz ovog ugovora Kupac se obavezuje obaviti odmah po prijemu robe. Ukoliko se utvrde kvantitativne razlike, odnosno utvrdi se oštećenje primljenih proizvoda ili ako se ustanovi da kvalitet robe ne odgovara uzorku dostavljenom po pozivu, Kupac će sačiniti komisijski zapisnik kojeg će u roku od 3 dana dostaviti Prodavcu radi prihvatanja ili odbijanja reklamacije uz dostavljanje argumenata za odbijanje iste.

Član 5.

Prodavac je dužan da odmah po dobijanju zapisnika sa utvrđenim nedostacima, provjeri istinitost predočenih navoda i ukoliko se potvrdi tačnost iznesenih argumenata, dužan je „odmah“ a najduže u roku od 48 sata otkloniti nedostatke (izvršiti zamjenu).



Ukoliko to ne učini Kupac zadržava pravo da u roku od 24 sata jednostrano raskine ovaj ugovor i o tome pismeno obavijesti Prodavca, a isporučenu nekvalitetnu (neadekvatnu) robu vrati prodavcu.

Također, Kupac zadržava pravo jednostranog raskida ugovora ukoliko se utvrdi da Prodavac ne poštuje rokove isporuke robe, odnosno ukoliko se utvrdi da Prodavac svjesno krši bilo koju ugovorenu stavku ovog ugovora.

Član 6.

Prodavac se obavezuje priznati reklamacije na kvantitet robe koja će biti popraćena odgovarajućom dokumentacijom – zapisnikom, uz obavezu navođenja broja i datuma otpremnice i računa Prodavca, kako bi se zadovoljili uslovi reklamacijskog roka od 8 dana.

Član 7.

Prodavac će fakturisati isporučene proizvode po cijenama iz ponude broj: 05/19, prihvaćenom po pozivu za predmetnu nabavku.

Član 8.

Sastavni dio ovog ugovora je ponuda broj: 05/19, kroz koju je navedena specifikacija robe koja je predmet ovog Ugovora.

Član 9.

Kupac se obavezuje platiti fakturu prodavcu roku od 30 dana od dana prijema fakture.

Član 10.

Ugovorne strane su saglasne da će sve izmjene i dopune ovog ugovora regulisati u skladu sa važećim zakonskim odredbama.

Član 11.

Ovaj ugovor se počinje primjenjivati danom potpisivanja.

Član 12.

Ugovorne strane mogu jednostrano otkazati ugovor pismenim putem sa otkaznim rokom od 15 dana.

Član 13.

Za sve sporove koje ugovorne strane ne budu mogle riješiti sporazumno, prihvataju nadležnost Suda u Sarajevu.

Član 14.

Ovaj ugovor sačinjen je u 4 istovjetna primjerka od kojih po dva primjerka pripadaju svakoj ugovornoj strani.

KUPAC:
KANTON SARAJEVO
Stručna služba za zajedničke poslove
Načelnik
Fikret Jasarević
Broj: 17-1-0823-1
Datum: 20.03.2019. godine

PRODAVAC:

GRAFIKA SARAN d.o.o.
Direktor
Dejan Šaran
Broj: 533/19
Datum: 25.3.2019.